

西江月

(重返柏克萊三首)

翟志成

其一

柏苑青衿困學，重遊三十四年。大師星散倍蕭然，
狼籍落花飛轉。

世態難言十九，人寰總換新天。金門吹夢到海邊，
頭白沙鷗又見。

其二

百煉千錘舊地，笳吹絃誦當年。孤燈暗寫未成眠，
破曉疏星幾點。

偃鼠飲河一腹，普羅偷火九天。少年癡絕老猶憐，
十載磨成一劍。

其三

伏馬傳經絳帳，程門舊屣依然。訪書怕續舊因緣，
倦眼昏昏一片。

百尺樓高難臥，劉郎今日求田。人生最愛夕陽天，
日課陶詩一卷。